

# Ishonch

2020 йил 24 сентябрь • пайшанба • № 105 (4390)

Турк назмида чу  
мен тортиб алам,  
Айладим ул  
мамлакатни  
яққалам.

Алишер Навоий

Ўзбекистон касаба уюшмалари Федерацияси нашри • Газета 1991 йил 21 мартдан чиқа бошлаган • www.ishonch.uz • e-mail: ishonch1991@yandex.uz

## ЎЗБЕКИСТОН РЕСПУБЛИКАСИ ПРЕЗИДЕНТИ ШАВКАТ МИРЗИЁЕВНИНГ БИРЛАШГАН МИЛЛАТЛАР ТАШКИЛОТИ БОШ АССАМБЛЕЯСИНИНГ 75-СЕССИЯСИДАГИ НУТҚИ

Муҳтарам Раис Вўлкан Бозкир жаноблари!  
Муҳтарам Бош котиб Антониу Гутерриш жаноблари!

Хурматли делегациялар раҳбарлари!  
Хонимлар ва жаноблар!

Бош Ассамблеянинг етмиш бешинчи сессияси Бирлашган Миллатлар Ташкилоти тарихида биринчи марта бутунлай янги форматда – коронавирус пандемияси туфайли онлайн мулоқот режимида бўлиб ўтмоқда.

Бундай глобал фалокат сайёрада сўнги юз йилда кузатилмаган эди. Бу офат бутун инсониятнинг заиф жиҳатларини яққол кўрсатди. Ҳозирги таҳликали ва мураккаб вазият ер юзидаги барча давлатлар ва халқлар ўзаро боғлиқ эканини, ўртада мунтазам мулоқот, ишонч ва яқин ҳамкорлик ўта муҳимлигини исботлади.

Шу йўлда барчамиз ҳукуматлар, парламентлар ва фуқаролик жамиятларининг ўзаро саз-ҳаракатларини бирлаштириш, умумий масъулият тамойилларини мустақамлаш, халқаро шерикликни мувофиқ ҳолда ривожлантириш, Жаҳон соғлиқни сақлаш ташкилотининг мақоми ва салоҳиятини ошириш, ваколатларини кенгайтириш лозимлигини чуқур англадик.

Мақсадимиз – ҳар бир инсоннинг асосий ҳуқуқ ва эркинликларини, саломатлиги ва фаровонлигини таъминлайдиган адолатли глобал тизимни биргаликда яратишдир.

Бу борада биз Бирлашган Миллатлар Ташкилоти шафелигида **Пандемиялар даврида давлатларнинг ихтиёрий мажбуриятлари тўғрисидаги халқаро кодексни** ишлаб чиқишни таклиф этамиз. Ушбу ҳужжатда ҳар бир давлатнинг ўз фуқаролари ва халқаро ҳамкорлари олдидаги мажбуриятлари акс этиши лозим.

Хурматли хонимлар ва жаноблар!  
Биз Ўзбекистонда COVID-19 қайд этилган дастлабки кунлардан бошлаб барча саз-ҳаракат ва ресурсларимизни бу хавфли касалликни жилавлан ва энг асосийси – одамлар ҳаётини сақлаб қолишга қаратдик.

Пандемиянинг салбий оқибатларини юмшатиш учун ижтимоий ҳимоя ва соғлиқни сақлаш тизимлари кескин кучайтирилмоқда, аҳолига, иқтисодиёт тармоқлари ва бизнесга манзилли кўмак кўрсатилмоқда. Шу мақсадда махсус жамғармалар тузилди.

Фурсатдан фойдаланиб, синови дамларда бизга беғараз ёрдам кўрсатган барча дўст ва ҳамкорларимизга чуқур миннатдор-

лик изҳор этаман.

Биз халқаро ҳамжамиятнинг пандемияга қарши самарали курашиш бўйича барча ҳаракатларини, жумладан, зарур дори-дармон ҳамда вакциналар ишлаб чиқиш ва улардан кенг фойдаланишга қаратилган ташаббусларини қўллаб-қувватлаймиз.

Шунингдек, Бош котиб Антониу Гутерриш жанобларининг бугунги инқирозли вазиятда озиқ-овқат хавфсизлигини таъминлашнинг долзарб муаммоларига бағишланган саммитни ўтказиш бўйича таклифини маъқулаймиз.

Хурматли Бош Ассамблея сессияси иштирокчилари!

Бундан уч йил муқаддам мен Бирлашган Миллатлар Ташкилотининг олий минбаридан Ўзбекистоннинг туб ислохотларни амалга ошириш бўйича қарори қатъий эканини айтган эдим.

Жамиятни сиёсий, ижтимоий ва иқтисодий модернизация қилиш бўйича кенг кўламли чора-тадбирларимиз натижасида янги Ўзбекистон шаклланмоқда. Бугунги кунда мамлакатимиздаги демократик ўзгаришлар орта қайтмайдиган тус олди.

Ўтган йили Парламента ўтказилган сай-

ловлар аҳоли ва партияларнинг сиёсий фаоллиги, фуқаролик жамияти институтларининг роли, оммавий ахборот воситаларининг таъсири ошганини намойиш этди.

Биз учун гендер тенглик сиёсати устувор масалага айланди. Хотин-қизларнинг давлат бошқарувидаги ўрни тобора кучаймоқда. Янги Парламентимизда аёл депутатлар сони икки баробарга кўпайди.

Инсон ҳуқуқлари соҳасидаги ҳолат ҳам бутунлай ўзгарди. Мажбурий ва болалар меҳнати тўлиқ тугатилди. Инсон ҳуқуқлари бўйича Миллий стратегия қабул қилинди.

Бирлашган Миллатлар Ташкилотининг фуқаролиги бўлмаган инсонлар сонини камайтиришга қаратилган чақирғига жавобан шу йилнинг ўзида 50 минг юрtdошимизга Ўзбекистон фуқаролиги берилди.

Мамлакатимизда диний эркинлик борасида ҳам вазият кескин яхшиланди. Миллатларо тотувлик ва динлараро бағрикенгликни янада мустақамлаш биз учун доимий муҳим вазифадир.

Судларнинг чинакам мустақиллиги ва қонун устуворлигини таъминлашга йўналтирилган кенг қамровли ислохотлар изчил амалга оширилмоқда.



Кун  
НАФАСИ



Президент **Шавкат Мирзиёев** Саудия Арабистони Подшоҳи **Салмон бин Абдулазиз Ол Сауд** ва валиаҳд, Бош вазир **Уринбосари, мудофаа вазири Муҳаммад бин Салмон бин Абдулазиз Ол Саудни** миллий байрам – Саудия Арабистони Подшоҳлиги эълон қилинган кун билан **табриклади.**



«Ўзбекистон Республикасида идентификация ID-карталарини жорий этиш чора-тадбирлари тўғрисида»ги Президент фармони қабул қилинди.



Жисмоний тарбия ва спорт вазирлигида «**Бош вазир кубоги-2020**» футбол мусобақасининг ташкилий қўмитаси йиғилиши ўтказилди.



Ўзбекистон Республикаси Миллий гвардияси Қорақалпоғистон Республикаси бўйича бошқармасида бир гуруҳ ҳарбий хизматчи ва ходимларга «**Меҳр-саховат**» кўрак нишонини топшириш маросими бўлди.

Фарғона шаҳрида **Корей-Ўзбекистон бизнес ассоциациясининг** ваколатхонаси ўз фаолиятини бошлади.

Атроф-муҳитни муҳофаза қилиш соҳасида фаолият кўрсатган ходимларни қайта тайёрлаш ва малакасини ошириш марказида Вазирлар Маҳкамасининг 2020 йил 7 сентябрдаги «**Атроф-муҳитга таъсири баҳолаш механизмининг янада такомиллаштириш тўғрисида**»ги қарор мазмун-моҳиятига бағишланган онлайн ўқув-семинар ташкил этилди.



Шу йилнинг 14 октябры куни «**Каспий денгизи ва Марказий Осиёнинг нефтни қайта ишлаш ва нефть-кимё**» VII халқаро конференцияси бўлиб ўтди.

Бухоро давлат тиббиёт институти Франкфурт амалий фанлар университети (FUAS) билан ҳамкорликда бошланган ва гивандликни психосоциал даволан усулларида ихтисослашган докторантура дастурига илк мутахассислар қабул қилинди.

ЎЗА хабарлари асосида тайёрланди



ЎЗБЕКИСТОН  
КАСАБА УЮШМАЛАРИ  
ФЕДЕРАЦИЯСИНИНГ  
ЮРИДИК  
КЛИНИКАСИДА  
ТАШКИЛ ҚИЛИНГАН,  
ТУН-У КУН ФАОЛИЯТ  
ЮРИТАДИГАН

1092 –

қисқа рақамли  
«Ишонч» телефони –  
«Call-center»га

меҳнат муносабатлари юзасидан ўзингизни қизиқтирган барча масалалар юзасидан муурожаат йўллашингиз мумкин.

Юридик клиника 14 та ҳудудий бирлашмада ҳам фаолият кўрсатмоқда. Бу ерда касаба уюшмаси аъзоси бўлишдан қатъи назар, барча фуқароларга бепул юридик хизмат кўрсатилади.

Меҳнат муносабатлари, айниқса, мажбурий меҳнат билан боғлиқ масалалар Ўзбекистон касаба уюшмаси Федерациянинг доимий эътиборида!



Муносабат

### АССАЛОМ, ЯНГИ ЎЗБЕКИСТОН!



Қудратилла РАХИМОВ,  
Олий Мажлис Сенати аъзоси,  
сиёсатшунос

**Буюк тарихий ҳодиса –  
Президент Шавкат Мирзиёевнинг  
БМТ Бош Ассамблеясининг 75-сессиясида  
ўзбек тилида сўзлаган нутқини тинглаб...**

Туркияда чиқадиغان «Жумҳурият» газетаси ўзининг 21 сентябрь сониде «Ўзбек тили БМТда» сарлавҳали мақола эълон қилди. Савол туғилиши табиий: Бу шунчалик аҳамият қилиниши керак бўлган ҳодисами? Унинг ижтимоий-сиёсий мақоми нақадар муҳим?

Масалага юзак ёндашилса, бунга БМТ иш тартибига истисно тарзида киритилаётган ўзгариш, деб ҳам қараш мумкин. Чунки белгиланган тартиб-қоидаларга мувофиқ, мазкур халқаро ташкилот одатда дунё бўйича олтинчи тилдан фойдаланади. Ўзбек лидери тарихда илк бор ўз она тили – буюк Навоий, Соҳибқирон Темур, Бобур, Жалолиддин Манубердиннинг тилида сўз айтиши, албатта, тарихий воқеа.

2 >

Келгуси сонларда ўқинг...

**АФҒОНЛАРАРО ТИНЧЛИК  
ЖАРАЁНЛАРИ**  
Ўзбек дипломатияси муваффақиятларининг  
ёрқин ифодаси

**Мезоннинг  
авзоига қараб...**

Миллий  
мониторинг  
қандай самара  
бермоқда?



3

Она каби  
кадрдон, она  
каби улуғ



4





